







249

Acc. 85-199 (3-13)

3-13

Reunion très rare. Certains  
pics semblent chers à nos









2722  
LA GRANDE PRO-  
PHETIÆ.

*Regis filius percis Abbatis Combrisonfis.*

Il ya neuf cens ans que la pre-  
sente a esté prophetisee & qui ne  
doit plus durer que iusques en  
l'an mil cinq cens quatre vingt  
neuf & quatre vingt dix, selon les  
Retrogrades de M. Michel No-  
stradamus.

Traduite de Latin, en François, laquelle  
declare choses merueilleuses a l'adue-  
nir en brief de temps, laquelle ne fut  
iamais imprimee iusques à present.

M. D. LXXXIX 13

1696-53-1006

LA GRANDE PRO

PHETIE

de la Cour de France

Il y a neuf cens ans que la pro-  
fane & este propheticque & daine  
don plus durer que insoues en  
l'annuel cinq cens quatre vingt  
neuf & quatre vingt dix selon les  
R. arroyades de M. Michel No-

l'arroyades

Traduit de Latin en François, laquelle  
deux choses merveilleuses a l'adue-  
nt en brief de temps, laquelle ne fut  
par un prince indigne a l'adue-

REGIS FILIVS PERSIS

Abbatis *Cambrifensis*

LA GRANDE PRO-  
PHETIE.

Il ya neuf cens ans que la presente a esté  
escripte & qui doit durer iusques en l'an  
mil cinq cens quatre vingt dix, laquelle  
nous promet de merueilleuse choses en  
ce tēps present là où nous entrōs & les grā-  
des cruantez & trahisons qui se font & se  
doiuent faire.

**E**N la Gaulle il aduiēdra que  
vn Roy son nō commēcant  
par H doit regner dont le peuple  
se reioūira grandement de son  
aduenement mais en fin le peu-  
ple se reuoltera contre luy. Qui  
en fin sera sa parte & lequel sera  
chassé, & mis hors de la plus gran-  
de ville de son Royaume, par le  
reuoltement qui se doit faire &  
& par le moien & consentement  
de quelques vns de ses subiectz

ie deplore ta ruine mais apres  
toutes ces choses passees le Roy  
qui a esté absant rentrera en plus  
grand credit & honneur qui n'e-  
stoit au porauant & plus obeï du  
peuple qui n'auoit esté aupara-  
uant pour quelque temps, car il  
se doit faire au mois d'Octobre  
1588. vne conionctiō de planettes  
qui causera beaucoup de maux  
en l'Europe il se fera encore vn  
reuolement en France, qui sera  
bien cruel pour quelques vns des  
grands seigneurs, seront deposez  
de leure estats & dignitez, gran-  
des cruantez & meschancetez, se  
feront en ces iours là, le pais  
gaste grâdes trahisons & conspi-  
rations descouertes par vn ho-  
me Ecclesiastique & alors Gaulte  
sans cœur à grand des-honneur

ruiné & gaste par estrangiers ve-  
nans de toutes pars femmes & fil-  
les violces feu mis par le plat pais  
saccagemēt de villes & villes as-  
siegees en l'an mil cinq cens qua-  
tre vingt huit entreprises con-  
spirees des l'an 1566. en May la-  
quelle ne sera en son effect que à  
la conionction des deux plattes  
qui se doüent ioindre le ix de  
May, 1588. feront descouertes  
plusieurs guerres s'esmouueront  
vers la marine tant par la France  
que par la grande Bretaigne, &  
par subtilz moiens, faueur & tra-  
hisons seront villes perdues vil-  
les closes villes champestre. La  
Gaulle à l'encôte s'esleuera qui  
rien ne fera incontinent apres il  
se fera vn accord que chacun se  
retirera, & d'vn costé & d'autre

comme si iamais rien n'auoit esté  
En l'an mil cinq cens quatre-  
vingts huiet à la my Aoust la no-  
blesse doit estre assemblee, laquel  
le fera si lasche de courage: car il  
se fera grande effusion de sang en  
vne cruelle bataille, que bien peu  
en reschappera, principalemēt de  
ceux qui auront authorité & puis-  
sance de commāder. O Noblesse  
ruinee pour t'estre esleuee contre  
le peuple opprésé. Les villes re-  
ueltees ferōt vne assemblee cha-  
cune à par soy, combié que ce ne  
fera qu'vne mesme volonté, s'ac-  
corderont à vne paix, à vne rece-  
ption, & à vne obeyssance telle  
qu'il voudra, deuant que soit la  
my Iuillet, mil cinq cens quatre-  
vingts neuf, enuers leur Roy,  
mais en peu de temps apres se de-  
couurira

couurira. O les grâdes trahisons  
& cōspirations cachees és cœurs  
des premiers motifs de la paix  
fardec: le menu peuple ne fut ia-  
mais tāt oppressé qu'il sera au se-  
cōd reuolte par toute la France,  
Angleterre, Allemaigne, & vne  
partie de la Fládre: ô heureux ce-  
luy qui en sera bien esloigné: la  
partie de l'Occident aura fort à  
faire, & sera beaucoup affligee:  
mais il se reuelera & fera plus for-  
te guerre qu'auparauãt, Plusieurs  
lesquels s'estoient au cômécemēt  
esleuez cōtre luy, se tourneront  
d'auec luy, & plusieurs se decla-  
reront qui ne se sont encores de-  
clarez. Grande perte d'hommes  
vers la partie Occidentale. Plu-  
sieurs grâds Seigneurs entrepren-  
dront le voyage à leur grâde cō-

fusion & perte . & la plus grande  
partye perdront la vie. Vne re-  
uolte se doit faire au mois d'O-  
ctobre mil cinq cés quatre vingt  
huiet, si plustost ne se faict: le pay-  
san contre le Noble , tant par les  
villes que par les champs. Roy  
remis en honneurs plus que de-  
uant tous ces reuoltemens. Estrā-  
gers visions apparoiſtront au cie-  
qui causerōt grādes mortalitez  
plusieurs bannis hors les Royau-  
mes deuāt que soit la fin du moi-  
d'Octobre, 1588. & toutes ce-  
choſes seront mises en effect en  
peu de temps, & plustost que lon-  
ne pēse pas, aucūs serōt mis prisō-  
niers, & faictz mourir par leur  
folles entreprises, & autres pou-  
auoir leurs biens, & mis en des-  
honneur, & les autres fugitifs, &



eurs binus perdus.

Et en continuant iusques en l'an  
588. tous Conciles & assemblees  
faictes par les hommes serót mi-  
es à neant & de nulle valeur. Le  
peuple ira & viēdra tātost ça tan-  
tost la en grādes peines & sueurs  
de pays en autre & plusieurs guer-  
res ciuiles, il y aura trois mar-  
chans lesquels espereront & tire-  
ront tous à vne mesme fin & in-  
tention, mais il viendra vn qua-  
riēisme qui en riē ne pēsear, em-  
portera le pris, dont sortira vne  
mortelle guerre, par laquelle le  
sang de la noblesse sera mis au fil  
de l'espee, & sera en ville respā-  
du le sang des corps humains ius-  
que aux sangles des cheuaux, &  
l'air sera si plein de puanteur, qui  
causera vne eruēlle & vehemen-

te peste presque vniuerselle d'ot  
les Roys & Princes n'en seront  
exempts. Il naistra plusieurs pro-  
diges du costé de Midy, qui nous  
denonce & signifie la mort d'un  
grád Seigneur qui sera tué ou em-  
poisonné par les siens plus fami-  
liers. Marchans ne pourront tra-  
fiquer de pays en autre, car tout  
sera comme a l'abandó, sans rai-  
te de Dieu n'y des homes. Justice  
n'aura point de lieu. En ces iours  
la plusieurs lieux & endroits les  
hommes abandonneront fem-  
mes & enfans pour sauuer leur  
vie. Cas horribles & excerables se  
feront en l'Europe. Aucuns serot  
tuez & meutris en leurs maisons.  
mort subite aduiendra en ces  
iours la. Il se machinera vne tra-  
hison a l'encontre de quelque

grãd personnage qui sera de mai-  
son estrangere, & enuers luy cas  
execrables seront cõmis. D'auan-  
tage, il se fera vn amas populaire  
& ne sçaura on qui sera le chef, Il  
aduiendra en la cõtree du Midy  
la mort d'vn grand personnage  
qui mourra comme à demy hors  
de son esprit & entendemens, qui  
sera cause de grands maux apres  
sa mort: car le pays sera pillé &  
rauy cõme vn pays desole a cau-  
se des grãdes cruauitez qui y ont  
esté commises par le passé.

En l'an 1589. ne doit auoir Pape  
Roy, n'y Empereur, lors sera vne  
paix vniuerselle, laquelle ne du-  
rera lõg temps, en laquelle se fe-  
ra vne pompe d'orgueil, contre  
le vouloir de Dieu, & au milieu  
de la pompe & orgueil, la grosse

beste sera ietee par terre, le petit  
deuiẽdra grand, mais il ne durera  
gueres. Il s'esleuera vn Roy en ces  
iours là qui ne durera long tẽps,  
au plus que trois ou quatre ans,  
lequel fera beaucoup de maux au  
menu peuple. La Roine cherchera  
par tous moyens auoir nouueau  
seigneur, & alors trois nations fe  
rõt ruynees & mises par terre, le  
põt de cuyure descouuert. le peu  
ple palira, la Germanie fera guer  
re cruelle sur la terre Papale, tel  
le qu'elle sera ruinee du tout, &  
luy chassẽ par les subiets, & alors  
le sang humain par l'Eglise respã  
du, & alors la terre trẽblera, & le  
peuple sera fort espouuẽtẽ, le Sei  
gneur Dieu ayãt pitiẽ de sõ pau  
ure peuple eslira miraculeusemẽt  
du nom de Iesus, nõ point d'hõ-

mes l'hōme iuste, simple Prestre,  
natif de l'an, sans orgueil, ny ma-  
rié, lequel reformera les abus en  
la terre Ecclesiastique. Au pre-  
mier Estat sera vne seule foy &  
loy En ces iours là l'esleu de Dieu  
prēdra possessiō de la terre sain-  
cte, & receuera la benediction du  
grād Dieu du ciel, qui par cy de-  
uāt a esté occupee, & sera crié par  
toutes cōtrees, quicōque adorera  
autre que le vray Dieu du ciel,  
passera par le fil de l'espee entie-  
rement. Blasphemateurs, paillars  
& idolatres seront punis par le  
feu, pour auoir adoré la grosse  
beste. Si la grosse beste eust de-  
laissé oublier la petite beste, au  
cas pareil la petite beste a delais-  
sé oublier, la grosse beste seroit  
encore enuie. Je laisse encores

a descrire la calamité & misere  
qui doit aduenir en l'an 1590.  
pour beaucoup de raisons, car  
vers le Soleil de Midy, vn grand  
sera dechassé & ruiné & tous  
ceux de son alliance, & ses terres  
pillees, & luy fugitif & absent:  
& sera contrainct se sauuer en  
quelque desert luy & les siens,  
pour euitter la fureur de son en-  
nemy, & de la fureur du peuple,  
Dieu sur tout. Amen.













